

Dis mißtu ab/ vnd zeichnest es/ so ist es verricht/ wie du  
in der figur siehest/ also köntest du die anderen linien auch abthei-  
len/ vnd gehören hier ein alle drey eck / keins ausgenommen/ wie  
denn droben im andern theil/ viererley art angezeigt sein.

## Das dritte Capitel.

Von allen denen Figuren / so gerade linien haben/  
vnd in den vorigen beyden Capiteln nicht begrif-  
fen sind.

Dis Capitel begreiffte in sich alle figuren / so von geraden  
linien sind / sie haben drey / vier / fünff / sechs / acht / zehen / oder  
wie viel es eckē sein / derwegen solstu / Günstiger Leser / sonder-  
lichen fleiß hierauff legen / damit du es recht lernest verstehen /  
vnd desselben fertig werdest / vnd gilt gleich / ob die theil sollen  
gleich oder vngleich werden. Solst ihm aber also thun.

1. Mustu die ware groß / des ganzen feldes wissen.
2. Mustu wissen / wie vil es theil haben / vnd wie groß jedes  
theil sein sol / auch wie man die Figur / die lēge / die quer / oder  
vbereck theilen solle.
3. Zeuhe durch eine vergebene linien / ein stück abe / so du  
beyleufftig meinst / das gros genug sey.
4. Dieses stücks such seine groß aus den andern theil / in  
seinem Capitel / dahin es gehört / denn sie nicht alle in ein Cap-  
itel gehören.
5. Halt diese gefundene groß gegen der / die es haben sol /  
vnd do er dieselbe groß hat / so hastu den handel allbereit ver-  
richt / wo nicht / so subtrahir die kleinere groß / von der größern.
6. Diesen Rest diuidir durch die lēge der linien / damit du  
sezt das stück hast abgetheilet.
7. Dis Product zeigt an die breyte / vmb welche die linien  
sol baß hineinwarts geruckt werdē / (das die figur kleiner wer-  
de / denn sie vor gewesen) so sie vor größer war / denn sie sein.

Bbb ij.      solt //